

**Uunga siunnersuut: Nappaatit tunillaassortut akiorniarlugit iliuutsit pillugit Inatsisartut peqqussutaata allanngortinneqarnera pillugu Inatsisartut inatsisissaat nr. xx, xx. xxx 2018-imeersoq. (KANUKOKA-p matuneqarnerata kingorna tunillaassortunik nappaalanersuaqarneranut ataatsimiititaliarsuarmut ilaasortanik toqqaariaatsimik allanngortitsineq, kiisalu inatsisitigut pisussaaitaasut akiligassinneqartarsinnaanissaannut tunngavissamik ilanngussineq)**  
*(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)*

**pillugu**

**Ilaqtariinnermut Peqqissutsimullu Ataatsimiititaliap**

**siunnersuutip aappassaaneerreqarneranut**

**ISUMALIUTISSIISSUTAA**

Ataatsimiititaliap suliarinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq  
Inatsisartunut ilaasortaq Stine Egede, Inuit Ataqtigiit, siulittaasuugallartoq  
Inatsisartunut ilaasortaq Jess Svane, Siumut  
Inatsisartunut ilaasortaq Aqqaluk Heilmann, Atassut  
Inatsisartunut ilaasortaq Malene Vahl Rasmussen, Demokraatit  
Inatsisartunut ilaasortaq Mikivsuk Thomassen, Inuit Ataqtigiit  
Inatsisartunut ilaasortaq Sara Olsvig, Inuit Ataqtigiit

UKA 2018-imi ulloq 11. oktober 2018-imi siullermeerinninnerup kingorna ataatsimiititaliap siunnersuut sukumiisumik misissorpaa.

**Siunnersuutip imarisaa siunertaalu**

Ulloq 31. juli 2018-imi kommunit kattuffiat KANUKOKA-p atorunnaarnerata kingunerisaanik siunnersuut saqqummiunneqarpoq, taamaalillunilu nappaatit inunnut tunillaassuuttut pillugit inatsimmut atatillugu nunatsinni kommunit sinnerlugit suliassanik isumaginnissinnaajunnaarpoq isumaqatiginninniarsinnaajunnaarlunilu.

Tunillaassortunik nappaalanersuaqarneranut ataatsimiititaliarsuarmi ilaasortamik toqqaasarneq KANUKOKA-mit siusinnerusukkut toqqaarneqartarsimasoq kommuninit ataatsimoortunit tiguneqassasoq, toqqaasarnerlu Inatsisartunut qinersinerit tamaasa pisassasoq ilaatigut siunnersuutigineqarpoq.

Siunnersuummut saqqummiussisummi nalinginnaasumillu oqaaseqaatini siunnersuummi immikkuualuttut tamakkiisumik nassuiarneqarput, taakkulu innersuussutigineqaput.

### **Siunnersuutip Inatsisartunit siullermeerneqarnera**

Siunnersuutip siullermeerneqarnerani Siumumit, Inuit Ataqatigiinnit, Demokraatinit aamma Atassumit tamakkiisumik taperserineqarpoq. Siunnersuummi § 3, imm. 2 kommunit ilaasortassartik isumaqatigiissutigisinnaangikkaangassuk, kommunillu innersuussaasa ilaannik ataatsimik Naalakkersuisut toqqaasarnissaannik periarfissiisoq Partii Naleqqamit isumaqatigineqanngilaq. Ilusissaatut siunnersuutigineqartoq kommunit namminneq aalajangiinissamut periarfissaannut ataqinninnissamut naapertuutinngitsoq Partii Naleraq isumaqarpoq.

Tamanna tunngavigalugu siunnersuut sukumiinerusumik naliliivigineqartussanngorlugu Ilaqutariinnermut Peqqissutsimullu Ataatsimiititaliamut innersuunneqarpoq.

### **Tusarniaaneq**

Siunnersuut piffissami pineqartumi [www.naalakkersuisut.gl-ikkut](http://www.naalakkersuisut.gl-ikkut) tamanut tusarniaassutigineqarnerata saniatigut, siunnersuummut nalinginnaasumik oqaaseqaatini tusarniaanermi illuatungeriit oqaatigisaat piffissami junip ulluisa 15-ianiit julip ulluisa 10-iannut 2018 siunnersuutigineqartoq una tusarniaassutigineqarsimasoq ataatsimiititaliap maluginiarpaa.

Tamanna ataatsimiititaliamit tamakkiisumik tusaatissatut tiguneqarpoq, taamaattoq maluginiarlugu siunnersuutip imarisaa apeqqutaatillugu tusarniaanermi piffissarititaasoq sapaatit akunnerinik sisamanik sivisunerusumilluunniit sivisussuteqartariaqaraluartoq.

### **Ataatsimiititaliap siunnersuummik suliarinninera**

Namminersorlutik Oqartussani inatsisit aaqqissuussaanerullu allanngortinneqarnerisa kingunerisaanik taaguusersuineq eqqarsaatigalugu siunnersuut ataatsimiititaliamit tapersersorneqarsinnaavoq.

Siullermeerinermi isorinnittoqarneratigut, Kalaallillu Nunaanni Politimesterip aamma Kommuni Kujallermit tusarniaassutinit akissuteqaatiminni oqaatigisaasa kingunerinik kommunit toqqaasarnerinut tunngatillugu siunnersuutip ilusissaatut siunnersuut ataatsimiititaliap sukumiisumik naliliivigaa.



Inatsimmi siunertarineqartoq eqqarsaatigalugu, ataatsimiititaliarsuup atuuffia iliuuseqarnissarlu eqqarsaatigalugit tunillaassortunik nappaalanersuaqarneranut ataatsimiititaliarsuarmut ilaasortassamik kommunit toqqaasinnaaneranun tunngatillugu siunnersuutip ilusissaatut siunnersuutigineqartoq ataatsimiititaliamit tapersorsorneqarpoq.

Siunnersuutip ilusaa kommunit namminneq aalajangiisinnaaneranun akerliussanngitsoq ataatsimiititaliaq isumaqarpoq. Tunillaassortunik nappaalanersuaqarneranut ataatsimiititaliarsuarmut ilaasortassamik ataatsimik kommunit ataatsimoorlutik toqqaasinnaanerisa attatiinnarneqarnissaa pingaarnerusoq matumani ilanngullugu ataatsimiititaliamit maluginiarneqarpoq.

Kommunit akunnerminni suleqatigiinnerat angusaqarusussuseqarluni iluaqutissarsiffiusumik, toqqaasarnerep kommuniniiginnarnissaanik aammalu kommuninut tunngasumik Naalakkersuisut toqqaasarnissaasa pisariaqartinneqannginnissaanik qulakkeerinniffiusumik ilusilerneqassasoq ataatsimiititaliamit neriuutigineqarpoq.

### **Siunnersuutip aningaasatigut kingunerisassai**

Siunnersuutip piviusunngortinneqarnissaanut aningaasatigut kingunerisassai siunnersuummi nalinginnaasumik oqaaseqaatini allaaserineqarput. Tassani allaaserineqarluni siunnersuut aningaasatigut allaffissornikkulluunniit malunnaatilimmik kinguneqassanngitsoq naatsorsuutigineqartoq.

Allatut naliliinissamut pissutissaqanngitsoq ataatsimiititaliaq isumaqarpoq.

### **Ataatsimiititaliap inassuteqaataa**

### **Siunnersuut ilusimisut iluseqartillugu akuerineqassasoq ataatsimiititaliap isumaqatigiittup inassutigaa.**

Taama oqaaseqarluni isumaliutissiisummilu oqaatigineqartunut paasinnilluni siunnersuut ataatsimiititaliap aappassaaniigassanngortippaa.

---

Laura Táunâjik  
Siulittaasoq

29. oktober 2018




---

Stine Egede  
Siulittaasuugallartoq



---


Aqqaluk Heilmann



---

Mikivsuk Thomassen

UKA 2018/220



---

Jess Svane



---

Malene Vahl Rasmussen



---

Sara Olsvig